

萬載縣志卷之二

萬載縣知縣汪元采纂

山水

域內奇觀必曰山水萬載地雖僻處而層峰疊嶂錦浪紋波勝致幽景亦足供高士名流遊覽樓隱且靈氣所鍾代有哲人茲特書而志之

山

龍山在邑治後以龍江經其下故名其勢崿崿來自衡霍爲縣之鎮官衙綴椅其麓俗呼爲官山

筆架山在邑東南二百步山皆石約高六七尺屹立

萬載縣志

卷之二 山水

一

中流挺然平突三尖小石旁附狀類筆架旁有潭深濬莫測波瀾漣漪迴挽成紋與儒學拱對故舊志八景有曰筆架迴瀾

又識云木打筆架穿龍江出狀元

紫蓋山在邑西北十五里山勢崇竦屹若車蓋舊名雲蓋或云謝仲初常遊此有紫雲覆之故舊志八景有曰紫蓋雲屯

湯周山在邑西三十里延袤峭峻巨石清流徧滿山谷相傳晉安帝時有湯周二士修道于此道成飛昇故名山上有觀觀後有花園自園而上四里許有棋盤石上至山頂有試劒石石上有題詠山高極□□

不可窮每寒威初霽凝華積素宛若畫圖故舊志八景有曰湯周雪霽

月臺山在邑南三百步南浦橋之陽其山森密穹然知月之狀前令陶公建文昌閣今廢

鷄籠山在邑東南五里平地突起如鷄籠狀周圍盤旋巉石壁立西南有洞從穴入可容數人有泉不竭山色四時變現蒼翠可鞠爲郊郭勝槩人多遊之前令

陶公設有營房置營兵防守令開墾荒土抵餉今兵撤營房基址猶存荒土仍舊

東岐山在邑東七里山多盧橘楊梅株栗地接宐春上高之間逶迤屈曲路徑多岐故名

萬載縣志

卷之二 山

二

銀山在邑西十五里山有巨石潔白如銀有洞可容數百人下有禪定院今廢說者稱奇遂以銀萬載為名訛傳至京師

禮山在邑西三十里形如拱揖人以有禮也

白塔山在邑東南二里地名下岐山低而小相傳白將軍墓在焉舊有名真院巔有浮屠塔對學爲文筆峰今塔廢址存

穩山在邑西八里山竦立相對中通徑路俗呼為穩山關

峰頂山在邑西南三十里相傳為馬祖禪師修道之所舊有上中下三塔今中塔存焉有泉清冽禱雨輒

應相傳古有月光寺呂洞賓與馬祖禪師賡和詩云
好箇月光寺只少兩名僧初一風掃地十五月爲燈
四十里山在邑北三十五里林麓深邃延袤曠遠周
圍恰四十里

東臺山在邑西南九十里山皆石壁峭峻舊有護法
院在石巖中今廢

坤山在邑西八里山當其衝聳峻嵯峨林箐叢密東
曙不及惟斜陽可到行者多息陰於此舊志八景有
曰坤山夕照

金雞山在邑北三十五里山童不毛有巨石在山下

萬載縣志

卷之二 山水

三

遇夜金雞現

皂山一名連香嶺在邑北六十里其山屹然介新昌
萬載之間山色似皂

龍門山在邑北九十里羣峯環聳蹠踞如龍中有堦
路狀如龍門

清泉山在邑東北四十五里其山林木森苑有瀑布
自山頂而下味甚清冽山形若郡之仰山俗又呼小
仰山北有延壽院卽今之清泉院徐鉉墓在焉

石頭山在邑北三百步其山多石

網雞山在邑南三十里其山突出若雞衆山四面如

網張捕

五雷山在邑北二十里五山相聯與逍遙觀拱對遇旱鄉人於此禱雨

遊龍山在邑西三十里其山發脈自大圍山至大關嶺分支迤邐盤旋數里許每旱鄉人視雲有無以為雨驗云

鐵山在邑西一百二十里其地產鐵與瀏陽界舊設巡司於此

盤山在邑西八十里其山合抱如月灣之狀

九龍山在邑西一百里其山有九嵯峨秀麗常有雲

萬載縣志

卷之二 山

四

覆相傳有三人修道於此道成不知所之鄉人因為立祠

嶺

小嶺在邑東五里山從太樂岡支派連起二嶺中通徑路樵蘇絡繹舊志八景有曰小嶺樵歸

十八渡嶺在邑北四十里舊路在嶺下循環口水往來凡十八渡後人闢路嶺上人遂免涉俗呼十八洞訛也

鶴嶺一名洪岡嶺在邑西南二十里與僊遊崑相望兩峰低昂而出其形類鶴

古廟嶺在邑西六十里相傳晉有雩祭廟

黃毗嶺在邑北八十里與謝山相對頂上有石屋相傳黃皮二仙修道於此鄉人祀之嶺下有萬祝寺

白水嶺在邑西八十里高數十仞嶺下平坦廣袤數里居民衆多中有小溪水色白

大陽嶺在邑西一百里形勢陡峻周一百里未旦爇先射就昏爇且不暝故名

乾陀嶺在邑東八里下有乾陀邨

大關嶺在邑西六十里羣峯聳翠中道崎峽俗呼大官嶺

萬載縣志

卷之二 嶺

五

浮樓嶺在邑東十里嶺岨秀麗兩山突出如角遠觀若樓浮雲中

苦竹嶺在邑北一百里產苦竹

牛嶺在邑西十里一山突出如牛

鵝鼻峰在邑東五里卽東岐山高峰是也元虞文靖愛此山若蜀中鵝鼻峰因以爲名故舊志八景有曰

鵝峰聳翠

巖

雲棲巖在邑西九十里巖軒廠高數丈崇勝寺居其左中二石分列如鐘鼓狀有泉白周公洞□過□下

□田數十畝多題詠

仙遊巖在邑西十六里與鶴嶺相望石高數尋可容數十人中有兩石色紺碧一石形如鐘扣之其聲清越一石形類道上人稱仙人石

陶逸巖在邑東三十里世傳唐竹溪六逸陶沔晚歲居此巖突起平田約高三丈巖巒清潤中有石屋人稱爲陶公石俗譌爲桃花石

水晶巖在邑西五十里地名嶺東峯頂山之西巖中飛瀑流瀉如撒珠玉天旱多禱于此

龍成巖在邑西九十里地名梅陂山勢聳特中有石

萬載縣志

卷之二

岩

六

室宋元祐間有獵逐獸至巖中出以告人人如其言以往得一獸骨其頂穹然如角識者謂龍之旣變遺下蛻骨也室中有石如列仙者十數下有石藥爐石鏡扣之有聲石硯石墨石筆咸備巖溜注之墨橫硯上筆在硯旁皆石也有石人坐沙旁如齧鹽狀或□之其白仍積

翠巖在邑北城外百步石壁凌空面挹龍江巖下有穴泉噴清冽邑人彭顥構亭其次傍建龍溪書屋府貳守鴈峯史公以及郡人夢瀑彭公筠陽醴泉吳公吉郡滄州守龍岡曾公咸有題詠

洞

雲峯洞在邑西九十里地名黃茅岡洞門闊丈餘中虛廠循級而下則漸黑有石鐘石磬又有石若佛若仙不可殫述內澗水產魚產石燕里人禱雨者嘗窮其源辰而入出則日西矣

周公洞在邑西七十里靈棲巖東三里四圍皆松篁蒼鬱旁多奇峯惟石有清泉流出靈棲巖或云昔有周姓隱居於此

王居洞在邑西八十里地名小源世有王姓隱居其中其洞曠遠人跡罕至

萬載縣志

卷之二

洞

七

銀山洞在邑西十五里其洞居半山間人遊循石壁上而中可容數百人前代避寇者多居此有泉橫注山下引爲灌漑

竹山洞在邑南二十里洞闊非丈尺計有水經其中爲學前江源前後兩門深五里許內虛廠高丈許有石平廣如田又有石穴俯仰若屋一石高三丈狀類塑像人入遊自後洞入繇前洞出近禱雨輒應邑令韋明傑有記

雲連洞在竹山洞後五里許天陰則白雲變黷與竹山洞相連因得名洞前有水一潭發源於蝦蟆□□

洞中石澗噴出清澈甘美澗內有石若門限以物分投之上如撞鐘下如擊鼓聲音清越其中龍樓龍田臺閣旗傘之狀無所不備臺上有隙透光滿洞明亮璀璨奪目地皆白沙潔淨晶瑩毫無點塵惜其地僻徑偏遊之者少是以傳之者稀邑舉人宋希陳讀書鶴嶺曾有題咏

靈虛洞俗名牛鼻洞在邑西六里許地名小埭兩洞連環玲瓏奇巧旁一大竅幽邃莫測遊人不敢入土人云遇天陰間聞竅中樂作清嫋嘹唳非人間聲前一溪洄遶有情畧施點綴亦爲邑中勝境云

萬載縣志

卷之二

洞

八

青蓮洞在白良曾仙塘洞門一巷蜿蜒兩石對峙壁立數仞上有青蓮洞三字相傳爲仙跡久不晦蝕內小巧而玲瓏有致前通後達左右怪石林立率奇峭可愛石隙生方竹下有清泉距數十武卽唐大仙曾文湔墓至其地者無不流覽

凌雲洞舊名□石洞在邑北十五里地名石獅裏洞在半山間天陰則雲從洞口山下出因得名內虛靈高廠一溪從洞後入曲折瀠洄規模與竹山洞相類

岡

楊桐岡在邑東北二里許其岡多產白楊桐樹

□□□在邑東十里建舖於此

赤硃岡在邑西一里許社稷壇左產土硃

石

金龜石在邑西三十里其形類龜

石鍋在邑西南九十里地名鍋泉潭有三巨石濱於江澚石中有泉天將雨雲氣自中起如吹煙故稱石鍋

石筭在邑北十五里地名石筭坑唐南平王鍾傳宅宅旁有石如筭高數丈俗呼鍾令石公舊志八景有曰

石筭擎空

萬載縣志

卷之二 石

九

石籠一名石城嶺在邑東南五里卽雞籠山

獅子石在邑北五里形若獅子狀石下有潭亦名獅子潭石上鑿獅巖二大字極工旁刻大德二年春月書未詳何人書

叵囉石在邑一里荷花池東山巖側有石高數尺上有孔人吹之若叵囉聲迴風入竅亦然

鐘鼓石在邑西四十里藍田市兩石相對形如鐘鼓

江

龍江在邑北五里源出邑西一百里劔池水經□鐘□□埠橋遶大關嶺出高城市竹潭橋過龍山爲

□河直遶瑞州境

學前江儒學前源自竹山洞北流過楊河會白沙水出天陂出兩河橋下南浦橋遶學前出雙虹橋龍河橋至林家磨合龍河

三江儒學前左一源出鵝鼻峰下西流至蔴埭塘入地伏流一里許至明眞院前地隙瀆湧繇塢溪入城仁會學前江水合龍河一源出地名廠塘西流入城仁壽坊郎中分兩派夾流過九仙宮前至後街石江橋會學前江水合龍河

錦江在邑北三十里其源出謝山流入龍河

萬載縣志

卷之二

江

十

多江在邑北七里源出石洞金鐘湖二水會流抵此平泛水涸露小洲三五縱橫支流合派故名水涯立有晏公祠舟過咸禱往來迎送多於此

水

康樂水在邑東北三十里寰宇記謝康樂嘗遊此因名源出謝山東流出西江橋黃田橋錦江橋花塘橋萬歲橋至丘江會龍河水遶於上高

野豬河水在邑西三十里源出金鐘湖北流過魚鱗灘瀦爲深潭會竹渡水合龍河其水迂迴旋遶□澎湃急舟過者慮其險立水府祠以鎮之

石洞水在邑西南二十里源出竹山洞北流過楊河
山合白沙水南浦橋至學前過雙虹橋而入龍江
中洲江水在邑東北七十里源自嚴田黃蘗山周家
源過龍門山出藏溪會羅城水出灌上社田江口合
龍河

湖

金鐘湖在邑西一百二十五里其水分二派一東流
至官庄過竹渡入龍河一流入瀏陽

河

龍河在邑東北三里卽龍江昔有浮橋今易以舟渡

萬載縣志

卷之二

湖

十一

舊志八景有曰龍河喚渡

灘

魚鱗灘在邑西六十里其水近急亂石密橫江中
若鱗次

溪

塢溪在邑東百六十步源自鵝鼻峰山下西流會學
前江水

潭

龍潭在邑東北之龍江相傳有穴與獅子巖通舊有
龍江亭今廢

獅子潭在邑北之五里相傳有穴與龍潭通卽獅子石下深不可測

泉

涂泉在邑東十里地名泉陂約廣十畝澄澈泓渟有龍居之每旱官民禱於此

卓劍泉在邑西二百五十步廣報觀右世傳謝仙以劍刺地而泉湧出舊有亭扁今廢

清泉卽清泉山瀑布泉也大陽嶺泉自頂上流出十折入武陵界俗謂十八溪上有清泉院

溥泉在邑東百五十步儒學前其泉臨河味極甘美

萬載縣志

卷之二

潭井

十二

正德峇塞今復出

井

義井在邑南百步公館後井深五尺許用之作腐較它水增多取其有益人故名一在康樂坊譚族門首相傳救大兵之渴故名義泉

聖井在邑東北安仁坊北路口世傳宋乾道間普菴禪師嘗遊息於此峇值多疫師於井取水飲之疫遂痊故呼此井爲聖至今水味異他井甚早愈冽

眞君井在邑西廂外二百步世傳謝仙曾經此值渴就老嫗求水嫗辭水遠難致謝遂指其地曰鑿此可

得水人誌其言鑿地果得水

仰山井在邑西十五里地名奇圃仰山廟後

泉溪井在後街江永善開砌水最清冽秋冬不竭

洲

官洲在儒學前三江口中約三畝餘與筆架山對峙
據陰陽家稱爲書案云

龍洲在邑東北二里許卽龍河渡約廣四百畝石洞
金鐘二水西來環抱合流而東注

池

綠陰池在邑南百步再思橋右池廣四畝周圍樹木

萬載縣志

卷之二

洲池

十三

陰翳

劔池在邑西九十里宜春界地名靈棲巖池廣丈餘
別有曾家源水經于池與池水合流東注世傳許旌
陽捕蛟洪洲蛟遯潛于此旌陽追而斬之因名

陂

懷舊鄉四十二所

龍江車陂

溉田一十八畝

南車陂

溉四五十畝

澄渡陂

溉田二十畝

北車陂

溉田五十畝

三軍車陂

溉田一頃

灌潭陂

溉田三十畝

易家車陂

溉田一頃

鄱官車陂

溉田二十畝

上平車陂 漑田五十畝

高車陂 漑田一頃

藍家車陂 漑田五十畝

指灘車陂 漑田三十畝

江口車陂 漑田一頃

宋家車陂 漑田七十畝

三將軍車陂 漑田二十畝

下南車陂 漑田二十畝

學塘車陂 漑田九十畝

呼田舊陂 漑田一頃

三輪車陂 漑田一頃

菴頭車陂 漑田七畝

下車陂 漑田五十畝

橋居車陂 漑田一頃

王梅陂 漑田一頃

江口車陂 漑田九十畝

下家陂 漑田五十畝

上南陂 漑田一頃

小陂 漑田五十畝

社前陂 漑田一頃

萬載縣志 卷之二 陂

十四

黃感灘陂 漑田一頃

三橋車二陂 漑田九十畝

下南車二陂 漑田二頃

竹渡車陂 漑田三十畝

南平陂 漑田一頃

白塔車陂 漑田二十畝

蕪上車陂 漑田一頃

白塔車下陂 漑田四十畝

紹江車陂 漑田五十六畝

上平車下陂 漑田一頃三畝

車田陂 漑田三十畝

戴家車陂 漑田六十畝

楊家車陂 漑田二頃

丁家車陂 漑田四十畝

歐桂西鄉二十二所

謝陂 漑田二頃

高灣車陂 漑田一頃

牛車陂 漑田一頃

松輪車陂 漑田一頃

徐家車陂 漑田一頃

石牛車陂 漑田一頃

高家車陂 漑田二頃

劉家車陂 漑田一頃

高家車下陂 漑田八十畝

黃家車陂 漑出十二畝

黃家車下陂 漑田二頃

曾家車陂 漑田二頃

殷家車陂 漑田一頃

西陂 漑田二頃

桐樹陂 漑田一頃五十畝

後車陂 漑田一頃二畝

彭家車陂 漑田一頃二畝

辛家車陂 漑田一頃

沙潭陂 漑田一頃四畝

軍車陂 漑田七十四畝

楊家車陂 漑田一頃六畝

陶家車陂 漑田七十畝

堰

萬載縣志 卷之二 堰 十五

懷舊鄉二十九所

殷家堰 漑田一頃

小江堰 漑田一十畝

三輪堰 漑田八畝

石堰 漑田十畝

藍堰 漑田七十五畝

門堰 漑田七十五畝

新堰 漑田三十九畝

江南堰 漑田八十畝

枯堰 漑田九十七畝

梘堰 漑田五十畝

大橋堰 漑田一頃

楊田堰 漑田四十畝

王源堰 漑田七十二畝

下藍堰 漑田五十六畝

瘦堰 漑田七十畝

蔣公堰 漑田九十畝

石龕堰 漑田一頃

洪堰 漑田二頃

下藍二堰 溉田一頃

梅堰 溉田一頃

小堰 溉田一頃一十九畝

鬧堰 溉田一頃三十畝

下石堰 溉田一頃

杯林堰 溉田六十畝

荷林堰 溉田四十畝

蔣公下堰 溉田二十畝

覽堰 溉田四十畝

虎堰 溉田三頃

□堰 溉田九十畝

歐桂西鄉二十二所

公堰 溉田八十畝

牟堰 溉田二十九頃四十畝

小堰 溉田三頃

石堰 溉田六頃

黃土堰 溉田三頃

黃土高堰 溉田三頃

萬載縣志

卷之二 堰

十六

抽堰 溉田一頃

率堰 溉田一頃

佻堰 溉田三十一畝

啓堰 溉田一頃一畝

銀堰 溉田二頃

雷堰 溉田一頃

艫堰 溉田二頃

紅堰 溉田一頃

官堰 溉田二頃一十九畝

鬧堰 溉田二頃九畝

黃土下堰 溉田一頃

小官堰 溉田一頃

新堰 溉田一頃

建堰 溉田二頃二十畝

羅家堰 溉田一頃

社前堰 溉田三頃八十畝

進城鄉十五所

羅家新堰 溉田一頃六畝

上梅堰 溉田三頃

□堰 溉田二頃

下梅堰 溉田七頃

歐家堰 溉田一頃六畝

陳家堰 溉田五十五畝

陳家下堰 溉田一頃

朱家堰 溉田一頃十五畝

大梶下堰 溉田八十畝

黎家堰 溉田三頃

高堰 溉田一頃

下潭堰 溉田二十畝

乾堰 溉田四頃

鯉堰 溉田三十頃

龍堰 溉田七畝

萬載鄉二十所

潭堰 溉田四十畝

熟堰 溉田九畝

分堰 溉田七頃

楊家堰 溉田五頃

萬載縣志

卷之二 堰

十七

黃田堰 溉田一頃四十畝

枯堰 溉田六頃

新堰 溉田七頃

神堰 溉田一十三頃

井堰 溉田三十畝

消家堰 溉田四十畝

茅堰 溉田四頃

蔡竹堰 溉田九畝

大視堰 溉田一十畝

馬當堰 溉田三頃十畝

虎口堰 溉田二頃六畝

易公堰 溉田一十頃四十畝

黃潭堰 溉田二頃三十畝

歷城堰 溉田二頃三畝

石闊圳 溉田五畝

濠陂堰 池下四十姓修

歐桂東鄉七所

□頭堰 溉田二頃

敖家堰 溉田四頃六十畝

蘭江堰

溉田三頃五十畝

澗洪堰

溉田一頃

羅家堰

溉田三頃五十畝

堵堰

溉田一頃

龍派堰

溉田一頃

塘

懷舊鄉五所

赤硃塘

溉田五十三畝

涂泉塘

溉田一頃

鬼無塘

溉田一頃

荷花塘

溉田七十五畝

泣塘

溉田一頃五十畝

歐桂西鄉四所

福塘

溉田三頃

羅塘

溉田五十畝

萬載縣志

卷之二

塘

十八

堰塘

溉田十頃

大塘

溉田二頃二十畝

謹按水以導利况陂渠之設所關民命國賦者最大故古制專設農官以時蓄洩近則衝決淤塞半失其舊府志載萬陂堰三百四十餘塘七十餘邑舊志止存三之一則前人制作灌溉田疇者今展轉填委淤塞或因洪水衝害成潭水不得其利而土田鞠爲茂草無恠游惰之日多也噫漳河引而鄴旁有稻梁之詠涇水導而谷口有禾黍之謠安得設法之良盡復古制使荒瘠變爲沃壤哉

附崇文堰龍河堰

崇文堰在雙虹橋東嘉靖間督學王公宗沐命築萬曆辛卯前令張履中重修邑人張璧記廢弛已久國朝康熙五年邑令范廷鳳見舊志有水繞筆架之識重行修築未幾復廢

龍河堰舊爲譚家堰因己酉洪水衝壞爲豪猾盡去其基址事經院道復命重築崇禎六年邑令韋明傑以崇文旣廢此堰有關一邑風氣不可不築命譚族復之爲作碑記垂示永久更名維城堰今廢

津渡

萬載縣志

卷之二

津渡

十九

萬介山谷間水勢多湍急自竹渡以下始滙爲長津非舟航則不可渡幸釀金作楫時有其人民未病涉也爰按舊志竝列之

龍河渡在邑北二里水湍悍邑民輸役往來難於涉昔有浮橋廢明正德五年同知郭浹具木石建橋垂成會陞任嘉靖癸未縣丞程賢捐俸召鄉耆藍忠常文興募修浮橋民甚便之至乙酉春洪水衝沒民復病涉今仍舟渡

林家磨渡在縣北二里許渡龍河者多不免於溺近勗此渡頗稱利便

水北渡在邑北五里南田

丁田渡在邑東北十里歐桂東西二鄉皆由於此舊有橋廢仍舟渡雍正五年邑人建爲石橋

竹渡在邑西十里舊有浮橋後廢設舟以濟

丘家渡在邑東二十里丘江瑞州上高瀏陽人往來皆經此渡

穩渡在邑北三里宋家畚元至正間邑耆宋春伯爲船連比以便往來今廢

蔣家渡在邑西二十里緬村

冷埭前渡在邑西五十五里

萬載縣志

卷之二

津渡

二十

晏公廟前渡邑西五十里

車上李家渡邑西三十里

小江西渡邑東北十五里

李家渡邑東北二十里

沙潭渡邑東北二十五里

古蹟

事之足以寄人憑弔者莫古蹟若也覩河洛而思明德過吳宮而感花草昔之人蓋有不能已於情者矣况乎賢達之高風仙靈窟宅思其人而不可見往往經其故里徘徊丘壑流連於殘碑斷碣之餘此其中心之嚮往誠有不自知其所由然者不可謂非興廉立懦之一助也爰志古蹟

風師壇故址在縣東楊桐岡元建今改爲邑厲壇稅課局故址在縣東洪武七年設景泰七年裁革今爲民地

萬載縣志

卷之二

古蹟

二十一

高村巡檢司故址在縣西七十里歐桂東鄉元季廢弛洪武四年知縣韓彧建十二年裁革

趙相藺相如宅故址在縣西五十里史載相如趙人也距此地頗遠而傳籍亦別無可稽今其鄉有藺家村藺姓者相傳以爲世系所自故舊志紀其事今存之以俟旁證抑或秦併天下之後子孫散徙江南而居斯土未可知也

晉習鑿齒讀書堂在邑西八十里地名書堂山山谷深鬱雖霽常有雲霧□習鑿齒因符堅陷襄陽避地讀書于此洗墨池尚存

〔唐〕司空陶沔宅故址在縣東北懷舊鄉陶家坊

事逸□

崑

〔唐〕南平王鍾傳宅故址在縣北十五里相傳上藍寺
卽其遺基

唐刺史李徵古宅故址在縣西二十里高城市後徙
市安仁坊

〔南唐〕太保青陽公宋齊邱故址在縣北十五里水坑
□今爲民田旁有石筍

〔劉宋〕康樂侯謝靈運讀書堂一在邑北四里地名山
峽臺上石硯猶存一在縣東二里地名廠塘基址見

萬載縣志

卷之二

古蹟

二十二

存

〔元〕大史譚觀隱居故址在龍河石巖之旁觀南昌灣
溪人爲元國史編修棄官歸田避難居此著有樂隱
詩

〔宋〕劉長者讀書堂在縣北七十里謝山靈應觀左劉
宋讀書處

雪堂在縣西高城市宋縣尹祝勛有詩

謝仲初修真處在邑北七十里地名謝山上有仙壇
□□試劒石及履跡存焉舊志有靈應觀段仙菴劉
長者讀書堂今湮

謝仙石在邑西四十里高廣數尺一名麻鞋石上有鞋跡相傳爲謝仙跡

燕王寨在邑西三十里地名湯周山鐵鎗石壇尚存按劉長者邑舊志皆稱劉宋給諫劉迪誠公時有少宗伯王行儉公爲龍河作譜序則長者名從禮字埽之爲吹藜之祖而前令畢見素公爲虹橋作譜序則名昇暘字迎曦爲煙竹之祖龍河虹橋皆謂南昌梓溪劉姓始祖卽此長者崇禎五年故大僕劉惟厚公撰讀書堂記則與龍河合譜虹橋一派又與龍河爭此長者至謂譜序爲贗此亦一長

萬載縣志

卷之二

古蹟

二十三

者彼亦一長者相持不下孰爲定其是非乎今讀書堂荒廢無存而龍河稱長者以廬墓構於謝山之巔及讀謝分宜楊誠齋兩先生題句竝無及廬墓一字且一則云富貴來逼人一則云擢桂廣寒邊皆期以進取其非以長者終可知也至允迪公稱爲長者父仕宋爲朝散大夫葬於謝山實有山丘在焉未知果是允迪墓否耳是在梓溪諸名鉅核實討求墓眞則堂亦眞其爲煙竹與吹藜虹橋與龍河自可不聚訟而爭矣

又按志稱劉宋劉爲長者是也宋又何指謂是□

□而讀書宋亦廬墓乎謝分宜又有廬墓詩爲魏
亭焦執中賦若劉爲廬墓何詳句之不一也邑志
□於成化丙申修於嘉靖甲辰長者旣名從禮名
昇暘其時兩劉族何在獨不能出一言正之乎說
者又云宋亦爲姓故有兩人讀書可同廬墓亦可
同乎何堂之名獨以劉著也墓在而堂在龍河旣
以允迪爲長者父而拜掃獨不當在梓溪一祀長
者乎長者旣葬梓溪父允迪葬謝山梓溪又不當
原所自出而并祀之乎志以傳信姑闕共疑以俟
後之君子詳考之